



Posbus/P O Box 132, Persequor Park, 0020
Tel : 012 349 1102 Epos/Email : rpo@lantic.net
www.stocktheftprevent.co.za

RPO VEEDIEFSTAL FORUM WAARSKU OOR SOSIALE MEDIA EN VERKLARINGS

Spesiale erkenning aan : ME ISABEL KRUGER, Voorsitter : Vrystaat RPO Veediefstalforum (VDF)

Sosiale media is die spreekbuis waarna mense hulle wend wanneer dit blyk asof niemand wil luister nie. Dit raak 'n tendens waar die wêreld die "gehoor" word vir die ongeregtigheid wat aangespreek moet word. Hierdie media kan as deel van jou kommunikasie jou vriend wees, maar wees versigtig dat dit nie jou grootste vyand word nie. Die druk van 'n vinger op die slimfoon of rekenaar se sleutelbord kan skielik vir jou die binnekant van die tronkdeure oopsluit. In die verlede het woorde op papier inderdaad al menige outeur met eier op die gesig gelaat.

Inleidend tot hierdie, wil die Vrystaat RPO Veediefstalforum (VDF) lesers maan om sake deeglik te oordink voordat die pen opgeneem word om hulle misnoë uit te spreek. Daar is alternatiewe, veiliger kanale wat gevolg kan word.

Veediefstal is 'n probleem en het 'n groot negatiewe invloed op die landboubedryf. Frustrasies en woede is 'n natuurlike uitvloeiing van sake wat sloer of onopgelos gelaat word. Dit laat ook die vraag ontstaan waar alles gaan eindig.

Vir hierdie rede is die VDF, die Nasionale Vervolgingsgesag asook SAPD Veediefstal eenhede altyd beskikbaar om van hulp te wees. Die eerste stap wat gevolg moet word is om met die ondersoekbeampte te skakel betreffende die vordering wat met sake gemaak word. Weet egter dat die deure van die VDF altyd vir u oop staan.

= 2 =

Inligting wat op skrif deurgegee word moet die korrekte feite bevat en nie persepsies nie. Om 'n sisteem te beveg moet die inligting akkuraat wees. Verkeerde inligting rig onherstelbare skade aan.

Plasings op sosiale media of verklarings kan in verhore gebruik word en kan ondeurdagte plasings of verklarings die geloofwaardigheid van die outeur vernietig. Laasgenoemde is fataal vir 'n strafszaak. Die gevolge van bogenoemde kan baie ernstig wees.

Met so 'n verklaring of plasing kan die klaer of getuie hom of haarself diskrediteer voordat hy of sy in die hof getuig het. Hierdie skrywe kan ook deur die regsverteenwoordiger van die beskuldigde gebruik word in 'n strafszaak en word die geloofwaardigheid weer eens aangeval omdat daar nie konsekwente getuienis is nie.

Lesers word versoek om nie foto's van 'n misdad toneel of verdagtes aan te stuur, hetsy die saak reeds voorgekom en die verdagtes aangekla is nie. Hierdie optrede kan veroorsaak dat 'n ondersoek belemmer word.

Wees ingelig omtrent u verantwoordelikheid om akkurate nuus of inligting weer te gee, asook om u bronne te verifieer. Vergewis uself van die grense wat bestaan in terme van u reg op vryheid van spraak.

'n Belangrike saak om in ag te neem is dat indien u nie bereid is om te staan vir enige verklaring op plasing wat u gemaak het, of wil maak, dit eerder nie geplaas of gestuur moet word nie. U kan verantwoordelik gehou word daarvoor.

Die reg beskou enige plasing wat selfs net deur een persoon gelees is, as gepubliseerde inligting en kan vervolging hierop volg.

Die doel van hierdie berig is om die Landbouers te verseker dat die Vrystaat RPO Veediefstalforum aandag gee aan alle navrae. Verklarings wat op skrif plaas geplaas word, moet die volle waarheid wees, en nie persepsies of aannames wat u eie geloofwaardigheid skade kan berokken nie. Vir verdere inligting of navrae is u welkom om 'n e-pos te stuur na veediefstalrpo@gmail.com

Hiermee ook die kontakbesonderhede van die veediefstalverteenvoerders in die ander provinsies.

KwaZulu-Natal	Voorsitter Mnr Freddie van Tonder	Fredvantonder60@gmail.com	Sel 083 225 8522
Vrystaat	Voorsitter Me Isabel Kruger	Stepbyfaithm@gmail.com	Sel 082 042 3359
	Vise-voorsitter Mnr Nico Buys	Nico@cashnet.co.za	Sel 083 262 1217
Limpopo	Voorsitter Mnr Douw Pelser	douw@trophysafaris.co.za	Sel 082 820 5228
Gauteng	Voorsitter Mnr Jaco Taute	rpogauteng@gmail.com	Sel 082 635 2424
Mpumalanga	Voorsitter Mnr Hennie Laas	hlaas@pkmakelaars.co.za	Sel 082 401 0868
Noord-Kaap	Voorsitter Mnr Joe Scholtz	ghaap@vodamail.co.za	Sel 082 324 9600
	Vise-voorsitter Mnr Frederik van Zyl	Aurora@inext.co.za	Sel 083 265 1534
Oos-Kaap	Voorsitter Mnr Alfons van Niekerk	Alfonsovn@r63.co.za	Sel 083 277 0793
Noordwes	Voorsitter Mnr Sarel Pretorius	Agrimarico@gmail.com	Sel 082 944 0211
Wes-Kaap	Voorsitter Mnr Jaco van den Berg	Jaco@meelberg.co.za	Sel 082 806 5742
Nasionaal	Voorsitter Mnr Willie Clack	WClack@unisa.ac.za	Sel 082 574 653